

अरे पेला जेडा प्रेम हमेशा कोनी रेवे ओ,  
नेम धरम थारा छाना कोनी रेवे ओ,  
अरे बरसीयोडा री बात बटाऊ बीरू केवे ओ,  
अरे पेला जेडा प्रेम हमेशा कोनी रेवे ओ ॥

अरे काचे धागे तानो तनियो,  
तनीयो पेला टूटे ओ,  
अरे ओचा जल री नाडीया,  
आ बरसीया पेली फूटे ओ  
अरे पेला जेडा प्रेम हमेशा कोनी रेवे ओ ॥

अरे नीम जेडा खारा कडवा,  
मीठा किन विद होवे ओ,  
अरे दुदा धोवा कोयला,  
उजला किन विद रेवे ओ,  
अरे पेला जेडा प्रेम हमेशा कोनी रेवे ओ ॥

अरे संत रे घर शंकनी,  
थूल रे घर नार ओ,  
अरे माया दिनी मगता ने,  
भूल गयो किरतार रे,  
अरे पेला जेडा प्रेम हमेशा कोनी रेवे ओ ॥

अरे बोले रानी रूपा दे जी,  
उगमजी री चेली ओ,  
अरे करमा रे प्रताप सु,  
अमरापुर मे खेली ओ,  
अरे पेला जेड़ा प्रेम हमेशा कोनी रेवे ओ ॥

अरे पेला जेडा प्रेम हमेशा कोनी रेवे ओ,  
नेम धरम थारा छाना कोनी रेवे ओ,  
अरे बरसीयोडा री बात बटाऊ बीरू केवे ओ,  
अरे पेला जेड़ा प्रेम हमेशा कोनी रेवे ओ ॥

प्रेषक मनीष सीरवी  
9640557818

Source: <https://www.bharattemples.com/pela-jeda-prem-hamesha-koni-reve-o/>



# Bharat Temples

Complete Bhajans Collections - Download Free Android App  
<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>